

RI YA'IC CHIC

RI NI-C'UT

Ri Ajaf ru-c'utun chikavech chi yalan yojr-ajo' roma ru-c'utun ri' chuvech jun ru-profeta chupan re k'ij re'. Chuka' ru-yo'on chike ri Vuj r-ichin ri Mormon y ru-paban chic jun bey ri ru-iglesia chuvach'ulef. Chupan ri ru-iglesia c'o vi ri ru-k'atbel tzij ri Ajaf y ri r-uchuk'a'. Jun vinek c'o modo nr-etamaj chi can kitzij vi re tijonic re' vi nu-tz'et ru-vech ri Vuj r-ichin ri Mormon y nu-ch'ob rij y nu-c'utuj chire ri Ajaf chirij.

RI NI-RAYIX

Tok c'achon yan re jun c'utic re', ri familia xtic-ajo' xtiqu-etamaj vi can kitzij vi yo'on chic jun bey chuvach'ulef ri ru-iglesia ri Ajaf. Xti-c'oje' qui-rayibal richin niqut-tz'et ru-vech ri Vuj r-ichin ri Mormon y ri vuj r-ichin ri ru-jiquibal ri José Smit y richin niqut-ben ri oración.

RU-CHOJMILAL

TIJONIC 1: Ri Tata'ixel y ri C'ajolaxel xqui-c'ut qui' chuvech ri José Smit.

TIJONIC 2: X-bix chire ri José Smit chi man t-oc apo r-iq'uin nijun iglesia.

TIJONIC 3: Ri Vuj r-ichin ri Mormon, ja ri' ru-ch'abel ri Dios.

TIJONIC 4: Ri Pedro, ri Santiago y ri Juan xqui-ya' can ri lok'olej k'atbel tzij chire ri José Smit.

TIJONIC 5: E c'o cablajuj apóstoles r-iq'uin jun profeta vacami.

TIJONIC 6: Ri familia c'o modo yequi-c'ul c-onojel ri bendiciones r-ichin ri Dios.

TIJONIC 7: Ri xtu-ben ri familia richin nr-etamaj vi kitzij ri ka-tijonic.

TIJONIC 8: Ri Tata'ixel Dios y ri Ru-c'ajol Jesucristo chiquijujunal c'o ru-ch'acul r-ichin ti'ojil y bakil, pu yalan choj y jebel ru-c'ojlen.

(Vi man utz ta nr-ac'axaj ri k-ach'alal, ta-nic'oj achique roma.
R-iq'uin juba' man ni-k'ax ta pa ru-vi'. C'o modo na-cusaj re re':)

--Roj, jebel xtu-na' ri k-ánima vi na-bij pe ri achique nu-na' ri av-
ánima rat.

--¿La ni-c'atzin chike ri ru-ch'abel ri Dios vacami?

--¿La na-bij rat chi ri Dios man ni-ch'o ta chic qu-iq'uin ri r-
alc'ual?

(Ta-c'utuj ch'aka chic chire richin nav-etamaj ri kitzij ru-na'oj rija'.
C'a ri' ta-chapa' chic ru-tijoxic.)

TIJONIC 1: RI TATA'IXEL Y RI C'AJOLAXEL XQUI-C'UT QUI' CHUVECH RI JOSE SMIT.

Tijonel: K-ach'alal Xicay, roj yoj-quicot roma oj c'o av-iq'uin vacami. Ri Ajaf oj ru-takon pe iv-iq'uin r-iq'uin jun ru-ch'abel yalan c'atzinel chive.

Jantape' ri Ajaf ru-yo'on ri ru-ch'abel chique ri ru-profetas. Jun profeta xa jun achin ri Dios ni-tzizon r-iq'uin. ¿Achique roma na-bij rat chi c'atzinel chi ri Dios nu-ya' ri ru-ch'abel chique ri ru-profetas vacami chuka'?

Xicay: C'ulubanic

Tijonel: Pues roj k-etaman chi ri Dios c'a ni-tzizon na qu-iq'uin ri ru-profetas vacami. Roj nik-ajo' chi rix niv-etamaj chirij jun chique re profetas re' ru-bini'an José Smit. 150 yan juna' ti-c'oje' vi ri José Smit pan Estados Unidos. Tok rija' xa 14 ru-juna', x-yacatej jun nimalej oyoval chupan ri rutinamit rija', roma e c'o e q'uiy tak predicador y man e junan ta ri qui-tzijonic chirij ri Biblia. Jun nu-bij, "ja ri vave' kitzij, quix-ampe v-iq'uin" y la jun chic apo nu-bij "mas utz ri vave', quix-ampe v-iq'uin." Y queri' c-onojel xqui-banala'.

C'a ri' ri José Smit man r-etaman ta achique na lugar c'o vi ri kitzij ru-ch'abel ri Dios. "Janila nu-rayij ri v-ánima" ni-cha' ri José Smit "richin yin-oc chupan ri kitzij ru-iglesia ri Ajaf. Pero roma ri sachibel c'u'xlal qu-ichin ri predicadores, man v-etaman ta achique ri ni-siq'uin r-ichin ri kitzij" ni-cha' rija'.

Jun k'ij rija' xu-tz'et chupan ri Biblia ri nu-bij ri Santiago 1:5. "Vi c'o jun chive rix ri ni-c'atzin etamabel chire, tu-c'utuj c'a chire ri Dios. Roma Rija' man nu-q'ueq'uej ta richin nu-ya' etamabel chique c-onojel ri ye-c'utun chire y man nu-ch'olij ta, xa can xtu-ya' vi chique."

"Majun escritura ru-silon ta r-ánima jun achin achi'el re ch'abel re' xu-siloj ri v-ánima yin" ni-cha' ri José Smit. "Roma janila ni-c'atzin chuve ri etamabel richin ninv-etamaj achique iglesia ri kitzij" nu-bij rija'. "Janila xin-ch'ob rij re escritura re'" ni-cha'. Rija' xu-k'ijuj chi c'o chi nu-c'utuj xaxe chire ri Dios y man chique ta ri achi'a' ri man e junan ta qui-tzijonic.

"Tin-bana' na c'a achi'el ri nu-bij ri Santiago" x-cha' ri José Smit. Ri ala' x-be pa jun ti q'uechelaj richin c'a xberu-c'utuj chire ri Dios achique ri kitzij ru-iglesia Rija'. Tok xu-tz'et chi c'o ru-yon oc chiri' pa q'uechelaj, rija' x-xuque' ka y xu-chop ru-c'utuxic r-iq'uin ri Dios.

"Tok xi-tajin chu-banic orar," ni-cha' ri José Smit, "xin-tz'et jun sakil mas ni-chichan chuvech ri k'ij. Y ri sakil ri' ekal, ekal x-xule' pe, c'a jampe na x-oka' chinuvech. Tok ri sakil okavinek chic chinuvech, xin-tz'et ca'i'

(Vi man ni-k'ax ta pa ru-vi' ri K-ach'alal Xicay, ta-k'alajirisaj chuech juba' chic chirij ri xu-bij ri Jesús chire ri José Smit chiquij ri ch'aka chic iglesias: chi man e junan ta roma xaxe ri niqwi-bij ri achi'a', ja ri' ri niqwi-ben y roma ri' qul-ch'aron qui' y qui-tijonic man e junan ta chic; man e kitzij ta chic chuka'. José Smith 2:19.)

(Man ta-bij chire ri K-ach'alal Xicay r-onojel ri man utz ta r-ichin ri ru-iglesia rija'. Xa ta-bij chire r-onojel ri jebel oc y ri utz ri c'o chupan ri Ya'ic Chic. Ta-bana' chi ni-k'ax pa ru-vi' chi manak modo c-onojel ri iglesias niqwi-tijoj ri kitzij r-ichin ri Dios roma man junan

lok'olej vinaki' ri e pa'el pa cak'ik' pa nu-vi' y janila ri qui-chichanic y qui-c'ojlen," x-cha' ri José. "Jun chique Rije' x-ch'o pe chuve y xu-q'uek ru-vech ri jun chic y xunataj pe: José, ja re' ri Nu-c'ajol Ni-lok'ok'ex. Tav-ac'axaj Rija'."

K-ach'alal Xicay, roj nika-jiquiba' chavech chi ri Dios Tata'ixel y ri Ru-c'ajol Jesucristo xqui-c'ut qui' chuvech ri José Smit y xe-ch'o r-iq'uin. Xa roma c'a ri', oj petenek iv-iq'uin vacami richin nika-bij chive re jun nimalej rutzijol re'. Y c'o modo richin rix niv-etamaj chi re' can kitzij vi x-c'uluvachitej y chi yalan c'atzinel chive.

(*Ri r-achibil c'o modo nu-ya' chuka' ri ru-jiquibal vave'.*)

TIJONIC 2: X-BIX CHIRE RI JOSE SMIT CHI MAN T-OC APO R-IQ'UIN NIJUN IGLESIA.

Tijonel: K-ach'alal Xicay, roj k-etaman chi rat jantape' na-canoj y nav-ajo' nav-etamaj ri kitzij ru-ch'abel ri Dios achi'el xuben ri José Smit. Tika-bij ka che c'a, chi rat na-ben achi'el ri José Smit. Yalan na-canoj chiquivech ri q'uuy ru-vech molojri'il, pero xaxe ni-sach a-c'u'x chiquivech.

C'a ri', tok nav-il chupan ri Biblia jun moc'aj xu-tz'ibaj ri Santiago ri nu-bij chi si vi ni-c'atzin etamabel chave, ta-c'utuj chire ri Dios. Ri jun ch'abel ri' yalan n-oc pa ru-c'u'x ri av-ánima y c'a ri' na'-bana' pa jun q'uechelaj ri nu-pixabaj ri Santiago. Na-c'utuj r-iq'uin r-onojel av-ánima chire ri Ajaf achique c'a iglesia ri kitzij r-ichin Rija'. Tok at xucul chiri' pa q'uechelaj chuvech ri Dios, c'a ri' na-tz'et jun sakil mas sek chuvech ri k'ij. Ni-ka' ka pe chila' chicaj y chupan ri sakil ri' ye'a-tz'et ca'i' lok'olej tak achi'a', ri Tata'ixel Dios y ri C'ajolaxel. Y Rije' ye-tzijon av-iq'uin. Vi xa ta queri' na-c'uluvachij rat, ¿la xti-jalatej ri av-ánima na-bij rat, o junan xti-c'oje' can?

Xicay: C'ulubanic

Tijonel: Roj nika-jiquiba' chivech chi ri Tata'ixel y ri C'ajolaxel can xqui-c'ut qui' chuvech ri José Smit y xe-ch'o r-iq'uin K'alaj xeru-tz'et achi'el rat yoja-tz'et roj vacami (D y C 76:22-23).

Rija' xu-c'utuj chique achique iglesia ri kitzij, y ri Ajaf xu-bij chire chi man t-oc apo r-iq'uin nijun iglesia roma c-onojel ri q'uuy ru-vech iglesias mas ta c'a jebel ye-tzu'un y niqui-bij chi e kitzij pu man e kitzij ta roma e benek chiquij qui-na'oj achi'a'. Entonces roma ri xu-bij ri Jesús chire ri José Smit, vacami nika-tz'et ri achique roma e c'o janila q'uuy iglesias man e junan ta. ¿Achique roma na-bij rat?

Xicay: C'ulubanic

C-6

ta ri niqwi-tijoj.)

(Man utz ta chí yalan ya-tzijon chíquij ri ch'aka chíc iglesias. Tok juba' na-na' chí ní-k'ax chíc pa ru-vi' ri a-bin chíre, ta-chapa' chíc ru-tijoxic.)

(Vi rija' c'a nr-ajo' ní-ch'o ta mas chíquij iglesias, ta-bij quere':)

K-ach'alal Xicay, roj man oj petenek ta vave' chu-tzijoxic chíquij ch'aka chíc iglesias. Xa c'o jun nímalej tijonic ri Díos ru-yo'on chíke y can nr-ajo' Rija' chí nika-jech chíve. ¿La c'o modo nika-bij chíve re lok'olej tijonic re'?

(C'a ri', ta-chapa' chíc ru-tijoxic.)

José Smith 2:30.

(Vi ri k-ach'alal x-k'ax pa ru-vi' ri xr-ac'axaj, rija' xtu-bij "ja." Pu vi na-tz'et chí nr-ajo' nu-bij "mani," c'a ri', ta-nabej ví man x-k'ax ta pa ru-vi' o ví man nu-nimaj ta ri a-bin. Ví man ní-k'ax ta pa ru-vi' ri a-bin can chíre, ta-camuluj ekal ri tijonic y ta-to' richin xti-k'ax pa ru-vi' re c'atzinel tijonic re'. Ví man nu-nimaj ta ri a-bin chíre, man cat-oyover y man ta-ben oyoval. Xe ta-chapa' chíc ru-tijoxic richin queri' c'o modo ri Lok'olej Uxlabixel xtu-siløj ri r-ánima.)

TIJONIC 3: RI VUJ R-ICHIN RI MORMON, JA RI' RU-CH'ABEL RI DIOS.

Tijonel: Tok queri' x-c'uluvachitej, ri José Smit x-tzolin chi r-achoch roma x-bix chire chi tr-oyobej juba' y chi juba' chirij xti-yo'ox mas etamabel chire. Ri vinaki' man utz ta xc-ac'axaj tok ri ala' xu-tzijoq chique ri xu-ben. Man xc-ajo' ta xqui-nimaj y xe-tze'en chirij.

Xe-k'ax c'a can oxí' juna' y ri José Smit c'a nr-oyobej na achique la samaj xtu-ya' ta ri Dios chire. Roma x-bix chire chi c'o jun nimalej samaj ri xti-ban chuvech re ruvach'ulef r-oma rija'.

Ja c'a ri', ri Dios xu-tek pe chire jun ru-takon o ri ni-bix "angel" chire. Ri ala' c'o chupan ri ti r-achoch tok x-pe ri angel y x-pa'e' chuvech y xu-bij chi ru-bini'an Moróni. Xu-bij chi c'o jun nimalej samaj chire ri José Smit roma c'o jun vuj mukun can pa jun juyu' chunakaj ri r-achoch. Ri angel Moróni xu-bij chire ri José Smit chi te'r-elesaj ri vuj chupan ri ulef pa juyu'. Entonces tok rija' ru-nuc'un yan ri', xbe'r-elesaj ri vuj y xu-c'ul pa ru-k'a' ri angel. Ja ri' tok xu-k'asaj pa ru-ch'abel rija' r-iq'uin ri r-uchuk'a' ri Dios r-onojel ri tz'ibatajinek chuvech. Ja c'a ri' xu-bini'aj ri Vuj r-ichin ri Mormon. Ja re vuj re'. Ja ri vave' ri acuchi xtav-il vi ri ru-banobal ri Dios chiquicojol ri ojer tak tinamit vave'. Chuka' na'v-ila' q'uuy jebel y nimalej tak tijonic chirij ri Cristo.

Re lok'olej vuj re' nu-bij chi ri Ajaf Jesucristo x-pe qu-iq'uin ri ojer av-ati't a-mama' vave' chuvech re ulef re' América ni-bix chire. X-tz'ibex c-oma ri ojer tak profetas ri xe-c'oje' vave' ojer can. Rije' xqui-tz'ibaj chupan re vuj re' ri qui-banobal y ri achique xu-k'alajirisaj ri Dios chiquivech. Ri Mormon, ja rija' jun chique ri profetas ri xe-tz'iban r-ichin ri vuj. Roma ri', ri Vuj r-ichin ri Mormon ri ru-bi'. ¿La jebel na-na' chi ri Dios ru-banon jun lok'olej ru-vuj ri aj vave'?

Xioay: C'ulubanic

(Vi nu-bij rija' chi man xtu-tz'et ta ri vuj, o vi ni-tz'et c'a chi ni-cacot rija', ta-nabej utz ri achique roma. R-iq'uin juba' man utz ta nr-ac'axaj ri r-ajil ri vuj o man r-etaman ta nu-tz'et ru-va vuj o r-iq'uin juba' nu-xibij ri' chuvech ri xti-bij rix, o ch'aka chic. Tok av-etaman chic ri achique ri can kitzij nu-na' rija', ta-tanaba' y ta-to' richin utz nu-na' chirij ri vuj. R-iq'uin juba' xta-jek ta juba' y na-siq'uij jun moc'aj chuvech. Man ta-ben ri oyoval r-ichin tzijoníc. Que'a-tzekelbej ru-pixabaníc ri Lok'olej Espíritu y ta-chapa' chic ru-tijoxic.)

(Vi ri k-ach'ala) nu-bij chi man x-c'atzin ta chi x-yo'ox chic jun bey ri lok'olej k'atbel tzij r-ichin ri Ajaf, ta-nic'oj ru-nojbal y ta-to' rija' richin chl utz ni-k'ax pa ru-vi' chi man c'o ta modo chi ni-ban

Tijonel: Yin nin-jiquiba' chavech chi ri Vuj r-ichin ri Mormon c'o ri kitzij ru-ch'abel ri Dios chupan y chi ri José Smit can xu-c'ul vi chuk'a' ri angel Moróni. Vi rat na-tijoj avi' ri lok'olej tz'ibanic re' r-iq'uin r-onojel av-ánima, rat chuka' xta-na' ri r-uchuk'a' y ri ru-espíritu ri Dios. Y rat chuka' xtav-etamaj chi ri nika-bij chava can kitzij vi.

(Ru-c'amon chi ri jun chic tijonel nu-ya' chuka' ri ru-jiquibal xave'.)

Roj nu-rayij ri k-ánima richin chi rix niv-etamaj re cosas re' yalan e jebel. Roma c'a ri', nika-ya' can iv-iq'uin re jun lok'olej vuj re' pa xaxe jun quetzal r-ajil. Vi quere' ta nika-ben, ¿jampe xta-chop ru-tz'etic ri vuj?

Xicay: C'ulubanic

TIJONIC 4: RI PEDRO, RI SANTIAGO Y RI JUAN XQUI-YA' CAN RI LOK'OLEJ K'ATBEL TZIJ CHIRE RI JOSE SMIT.

Tijonel: C'a c'o na mas ri xr-ajo' ri Dios ni-pe chic chike. Jun k'ij tok ri José Smit r-iq'uin jun r-achibil, e xucul ka chuvech ri Dios, xe-oka' ka qu-iq'uin oxi' chique ri ojer tak apóstoles r-ichin ri Jesucristo qui-bini'an Pedro, Santiago y Juan.

Re oxi' apóstoles re' xe-pe chu-ya'ic chic ri lok'olej k'atbel tzij ri x-yo'ox chique r-oma ri mismo Ajaf Jesucristo ojer can chuvach'ulef. Rije' xqui-ya' qui-k'a' pa ru-vi' ri José Smit y xqui-ya' can ri lok'olej k'atbel tzij chire. Ja c'a ri', xqui-k'alajirisaj chuvech chi can ja vi ri' ri uchuk'a' richin ni-yo'ox chic jun bey ri Ru-iglesia ri Jesucristo chuvech re ruvach'ulef. ¿Achique roma yalan c'atzinel chi ri José Smit xu-c'ul re lok'olej k'atbel tzij re'?

Xicay: C'ulubanic

Tijonel: Tika-bij ka chi c'o jun ti a-c'ajol ri man nu-nimaj ta a-tzij. Si vi ni-pe jun chic achin man av-etaman ta ru-vech y vi ne'ru-ch'eya' ri ti a-c'ajol y vi rat manjun a-bin ta chire, ¿achique roma man xti-ka' ta chavech rat re re'?

Xicay: C'ulubanic

Tijonel: Pues achi'el rat, que c'a chuka' ri' man utz ta nu-na' ri Dios tok ri achi'a' nic-ajo' niqui-c'uaaj ru-bey ri ru-iglesia vi man qui-c'ulun ta ri lok'olej k'atbel tzij pa ru-k'a' Rija'.

Ri x-bix chire ri José Smit richin tu-chapa', can ru-samaj vi ri Dios. Entonces, ¿la ni-c'atzin chi rija' nabey xu-c'ul ri lok'olej k'atbel tzij?

Xicay: C'ulubanic

ri ru-samaj ri Ajaf chuvach'ulef vi man c'o ta re k'atbel tzij re'.)

(Vi ri k-ach'alal nu-ben ca'i' ru-c'u'x, que'a-cusaj re preguntas re' richin na-to' rija' richin nu-tz'et chi rije' can xe-apon vi r-iq'uin ri José Smit:)

--¿La na-bij rat chi ri Ajaf man x-tiquir ta xeru-tek pe ri ojer tak apóstoles r-iq'uin ri José Smit?

--Tika-bij na c'a chi can kitzij vi ri Pedro, ri Santiago y ri Juan xe-apon r-iq'uin ri José Smit. ¿La na-bij rat chi ni-c'atzin chike ri xqui-ben r-iq'uin?

--K-ach'alal, chupan ri ru-k'ijul ri José Smit nijun achin c'o ru-k'atbel tzij ri Jesucristo r-iq'uin. Roma ri', rija' manak modo chi nu-c'ul ri k'atbel tzij pa ru-k'a' ri jun chic achin. C'o chi xe-apon ri aj chicaj achia' chu-ya'ic chic ri k'atbel tzij ri Cristo chire ri José Smit. ¿La jebel nu-na' ri av-ánima chi ri Ajaf ru-takon chic jun bey ri ru-k'atbel tzij chique ri achia'?

(Tok ri K-ach'alal Xicay mas jebel juba' nu-na' ri r-ánima, ta-jiquiba' chuvech chi can kitzij vi ri Pedro, ri Santiago y ri Juan xqui-ya' chire ri José Smit ri lok'olej k'atbel tzij r-ichin ri Jesucristo y ta-chapa' chic jun tljoníc.)

(Vi ri k-ach'alal nu-bij chi man ru-c'amon ta chi e c'o apóstoles y profetas vacami, ta-bij juba' quere':)

K-ach'alal Xicay, ri Jesucristo can choj vi. Ojer can Rija' xeru-ya' apóstoles y profetas chupan ri ru-iglesia. Ri Ajaf man nu-jel ta ri' y chuka' ri ru-iglesia xa junan ru-baniquil ivir, vacami, chuvak y jantape'. ¿La utz na-bij rat chi ri Jesucristo c'a yeru-ya' na apóstoles y profetas chupan ri kitzij ru-iglesia vacami?

(Tok utz nu-na' ri r-ánima, ta-takej chic ru-tijoxic.)

Tijonel: Roj nika-jiquiba' chivech rix chi ri José Smit can xu-c'ul vi ri lok'olej k'atbel tzij r-ichin ri Dios pa qui-k'a' ri Pedro, ri Santiago y ri Juan. ¿Achiq ue nu-bij ri av-ánima chirij ri qui-petebal ri Pedro, ri Santiago y ri Juan r-iq'uin ri José Smit? ¿La na-bij rat chi c'o modo chi rije' xqui-ya' chire ri ru-k'atbel tzij ri Jesucristo?

Xicay: C'ulubanic

TIJONIC 5: E C'O CABLAJUJ APOSTOLES R-IQ'UIN JUN PROFETA VACAMI.

Tijonel: R-iq'uin c'a re lok'olej k'atbel tzij re', x-bix chire ri José Smit chi tu-chapa' ru-pabaxic ri ru-iglesia ri Cristo jun chic bey chivech re ruvach'ulef. Y tok rija' xu-c'utuj achiq ue c'a ru-baniquil r-ichin, c'a ri' x-bix chire chi c'o chi ni-banatej xa junan ri ru-baniquil achi'el ri ru-iglesia ri Jesucristo chupan ri ojer tiempos, qu-iq'uin apóstoles y chuka' profetas. Ja rije' ri ru-palbel r-ichin y ja ri Jesucristo ri can c'uey bey r-ichin. Tika-tz'eta' chupan ri Santa Biblia achiq ue ri ru-palbel ri ru-iglesia ri Cristo ojer.

Xicay: Nu-tz'et ri Efesios 2:19-20.

Tijonel: Ri iglesia x-bix chire ri José Smit richin tu-paba' chic jun mul, ja ri mismo ri nu-bij ri Biblia. ¿La utz cami nav-ac'axaj chi ri Cristo xer-oyoj apóstoles y profetas chupan re k'ij re' chuka' richin ye-oc ri ru-palbel ri ru-iglesia vacami?

Xicay: C'ulubanic

(Vi man utz ta ru-c'ulubanic, ta-to' juba' richin chi man ni-cacot ta. Ta-bij juba' quere':)

K-ach'alal, ta-nojij juba' chi can kitzij vi e c'lo doce apóstoles y jun profeta vacami. ¿La man nav-ajo' ta nav-etamaj ri niqui-bij ri je'?

(Vi nu-xibij ri' rija' chuech ri pregunta, ta-bij juba' quere':)

K-ach'alal, vacami majani cat-oc chupan ri Ru-iglesia ri Jesucristo, pu tok av-etaman chic pan av-ánima chi can ja vi re' ri kitzij ru-iglesia Rija', ¿la xtav-ajo' xtav-etamaj ri achique niqui-bij ri ru-apóstoles y ru-profetas?

(Tok na-na' chi rija' nu-tz'et chi can ye-c'atzin vi ri apóstoles y profetas, ta-bij quere':)

Roj nika-jiquiba' chivech chi ri Ru-iglesia ri Jesucristo de los Santos de los Ultimos Días can kitzij vi ni-c'uech pa ru-beyal Rija' c-oma cablajuj apóstoles y jun profeta ri c'a e q'ues na.

(C'a ri', ca-k'ax apo pa ri tijonic vaki'.)

(Vi ri k-ach'alal nu-bij "mani," ta-c'utu chire quere':)

K-ach'alal, ¿achique roma queri' nu-bij ri av-ánima?

(Tok utz ni-k'ax ru-nojbal pan a-vi' rat, ta-chapa' chic ru-tijoxic.)

Tijonel: Roj nika-jiquiba' chivech chi ri Ru-iglesia ri Jesucristo Qu-ichin ri Chojlaxela' Chupan ri Ru-q'uisibel Tak K'ij c'o doce ru-apóstoles y ri ru-profeta e q'ues vacami. Re re' juman ri ru-baniquil r-iq'uin ri nabey iglesia r-ichin ri Ajaf. Re' yalan ni-c'atzin chike roma c'o chic modo richin nika-c'ul ri ru-ch'abel ri Dios vacami, juman achi'el ojer can, pa qui-chi' ri profetas ri can ni-tzijon ri Dios qu-iq'uin. ¿La nav-ajo' rat nav-etamaj qui-ch'abel ri apóstoles y profetas e q'ues vacami?

Xicay: C'ulubanic

Tijonel: (Ca-jiquiban chiquij ri profeta y apostoles ri c'a e q'ues na.)

TIJONIC 6: RI FAMILIA C'O MODO YEQUI-C'UL C-ONOJEL RI BENDICIONES R-ICHIN RI DIOS.

Tijonel: K-ach'alal Xicay, ri Dios ru-yo'on ri ru-iglesia jun chic mul chike, richin chi rat y yin y c-onojel ri nic-ajo', c'o modo nika-c'ul c-onojel ru-bendiciones ri Dios chupan ri r-ajavaren. ¿La ye'av-ajo' rat y ri a-familia c-onojel ru-bendiciones ri Dios?

Xicay: C'ulubanic

Tijonel: Roj xtika-ben ri yoj-tiquir richin yixka-to' richin rix niv-etamaj mas chirij ri Ka-tata' c'o chila' chicaj y ri ru-iglesia, richin queri' rix c'o modo chuka' ye'i-c'ul c-onojel ri ru-bendiciones ri Dios.

TIJONIC 7: RI XTU-BEN RI FAMILIA RICHIN NR-ETAMAJ VI KITZIJ RI KA-TIJONIC.

Tijonel: Ri ka-bin chive vacami yalan c'atzinel, K-ach'alal Xicay. Ka-bin chi ri Dios Tata'ixel y ri lok'olej Ru-c'ajol Jesucristo xe-oka' r-iq'uin ri José Smit chupan re tiempo re' vacami. Chuka' ka-bin chi ri Ajaf xu-tek jun angel ru-bini'an Moróni richin n-elesex el pan ulef ri lok'olej Vuj r-ichin ri Mormon.

(Vi utz e a-c'utun chuvech ri k-ach'alal re tijonic re', utz chuka' xtuc'uluba' rija' tok ya-c'utun chiquij. Vi c'o ca'ij' ru-c'u'x, ta-tanaba' y ta-to' richin utz ye-k'ax pa ru-vi' re tijonic re'. C'a ri', ta-takej chic ru-tijoxic.)

(Vi rija' nu-bij chi man que ta re' ni-nabex vi kitzij ri a-ch'abel, c'o modo ye'a-cusaj re preguntas re' richin na-nabes ri kitzij ru-nojbal:)

--¿Achique roma nu-bij ri av-ánima chi man que ta re' xtav-etamaj vi kitzij ri nika-bij?

--¿La a-c'utun yan chire ri Ajaf achique ri kitzij ru-tijonic Rija'?

--Vi na-c'utuj chire ri Ajaf achique ri ru-tijonic Rija', ¿la na-bij

¿La na-bij rat chi kitziy re re'?

Xicay: C'ulubanic

Tijonel: ¿La ni-tiquir ri Dios nu-tek jun angel chuvach'ulef achi'el xu-ben r-iq'uin ri Moróni?

Xicay: C'ulubanic

Tijonel: ¿Achiqúe modo yixru-to' ri etamabel chi e c'o chic cablajuj apóstoles y jun profeta ri e q'ues?

Xicay: C'ulubanic

Tijonel: Roj can k-etaman chi xa kitziy ri ka-bin chive. Y yalan nik-ajo' chi rix chuka' ni-c'ul re jun jiquibel re' chupan ri iv-ánima. ¿Achiqúe modo xtav-etamaj a-yon si vi kitziy ri ka-bin roj?

Xicay: C'ulubanic

Tijonel: *(Ta-to' ri k-ach'alal richin nu-nabej achiqúe modo str-etamaj chi can kitziy vi re ch'abel re'. C'o modo na-cusaj re re':)*

¿La na-bij rat chi vi na-tz'et ri Vuj r-ichin ri Mormon, c'o modo nav-il ri kitziy?

Xicay: C'ulubanic

Tijonel: Re jun parte re' (ri 3 Nefi, tanaj 11-18) ja ri nu-bij chirij ri tok x-pe ri Jesús qu-iq'uin ri av-ati't a-mama' y vi na-tz'et re', xtav-ajo' xta-tz'et chuka' re jun ti vuj re'. ¿La xta-ben? *(Ta-ya' chire ri vuj chirij ri José Smit.)*

Vi na-tijoj avi' r-iq'uin ri av-ánima re cosas re' xta-na' chi e kitziy. Chuka' chupan ri Vuj r-ichin ri Mormon, nu-bij chi ri Ajaf nr-ajo' chi roj nika-c'utuj chire Rija' mismo.

(Ta-tz'eta' r-iq'uin ri k-ach'alal ri Moróni 10:3-5.)

Entonces ru-c'amon chi nika-ch'ob rij ri nika-tz'et chupan ri vuj. Tok ya-tajin chu-tz'etic ri Vuj r-ichin ri Mormon, c'o chi na-c'utuj avi' vi jun xabachique achin x-tiquir ta xu-tz'ibaj re vuj re' o vi xa jun profeta x-banon r-ichin. Chuka' c'o modo na-c'utuj avi' si vi ri Dios xu-tek ri angel Moróni chire ri José Smit chu-ya'ic ri vuj chire; chuka' si vi c'o c'a modo x-pe ri Jesucristo vave' chiqui-k'ejelaxic ri av-ati't a-mama' y ch'aka chic c'o modo na-c'utuj avi' tok na-ben leer re lok'olej vuj re'. ¿La na-bij rat chi re re' utz richin nav-etamaj vi kitziy ri ka-bin chive?

Xicay: C'ulubanic

rat chi Rija' yaru-k'ol?
--¿La na-bij rat chi ri Ajaf yar-ac'axaj tok na-ben orar y ni-tiquir
nu-bij pe chave achi que ri kitzij ru-tijonic?

(Tok nav-etamaj ri nu-nimaj ri k-ach'ala, c'o chuka' modo na-bij quere':)

Ta-nojij na pan av-ánima chi can kitzij vi ri ka-bin chave, y chi ri
Ajaf can ru-yo'on chic jun bey ri ru-iglesia chuech re ruvach'ulef.
¿La na-bij c'a rat chi Rija' xtu-bij pe chave chi can que vi ri' vi na-
c'utuj chire?

Roj nika-jiquiba' chuech chi Rija' can xtu-bij pe chave ri kitzij. Ri
av-ánima xtu-na' chi kitzij ri ka-bin can chave vi na-ch'ob rij y na-
c'utuj chire ri Ajaf. ¿La can xta-ben vi ri'?

(C'a ri', ta-chapa' chic ru-tijoxic.)

Lucas 24:36-40; DyC 130:22.

(Vi man nu-nimaj ta rija' chi ri Ajaf ni-tzu'un juba' achi'el roj, c'o
modo ye'a-cusaj re preguntas re' richin na-to' juba' rija':)

--¿La na-bij rat chi ri Ajaf xe espíritu?
--Vi ri Jesucristo x-c'astej chic y x-el chupan ri jul, c'o c'a vacami
ru-ch'acul chuka', ¿peja?

(C'a ri', ta-chapa' chic ru-tijoxic.)

Tijonel: Yin v-etaman chi rat xta-na' chi kitziy ri ka-tijonic vi rat na-ch'ob rij y na-c'utuj chire ri Ajaf.

(Richin na-to' ri K-ach'alal Xicay, r-iq'uin juba' nav-ajo' na-cusaj jun chique re':)

1. Jun tzijonic av-ichin chirij ri oración.
2. Jun camulunic chirij ri ru-tzijonic ri José Smit.
3. Ri tzijonic ri Rey Lamoni (Alma 22). (Yalan jebel re' vi man can ta nu-nimaj vi c'o jun Dios.)

Vacami K-ach'alal, ta-tz'eta' jun chic mul ri sujunic r-ichin ri Vuj r-ichin ri Mormon. *(Ta-tz'eta' ri Moróni 10:3-5.)*

(Ri mas c'atsinel richin na-to' richin n-oka' ohuo'u'x, ja re': (1) tu-tz'eta' ri vuj, (2) tu-ch'obo' rij, (3) tu-c'utuj chire ri Dios r-iq'uin r-onojel r-ánima y nimabel c'u'x r-iq'uin ri Cristo y (4) tr-etamaj chi kitziy roma ri Lok'olej Uxlabixel. C'a ri', ta-shapa' chic ru-tijoxio.)

¿La xta-ben rat ri nu-bij re sujunic re' richin nav-etamaj vi kitziy ri nika-bij roj? ¿La xta-c'utuj chire ri Dios vi kitziy?

Xicay: C'ulubanic

**TIJONIC 8: RI TATA'IXEL DIQS Y RI RU-C'AJOL JESUCRISTO
CHIQUIJUJUNAL C'O RU-CH'ACUL R-ICHIN TI'OJIL Y
BAKIL, PU YALAN CHOJ Y JEBEL RU-C'OJLEN.**

Tijonel: K-ach'alal Xicay, richin chi na-c'utuj chire ri Tata'ixel, c'o chi nav-etamaj nabey juba' chirij Rija' y chirij ri Ru-c'ajol Jesucristo. ¿Achiqwe modo nu-bij ri av-ánima chi ja ri ru-banic ri Ka-tata' c'o chila' chicaj? Juba' ni-tzu'un achi'el roj, ¿peja?

Xicay: C'ulubanic

Tijonel: Ja, pues can que vi ri' ri Dios Tata'ixel y ri Jesucristo ye-tzu'un achi'el roj. T-oka' chikac'u'x tok ri José Smit

Mateo 7:7; Juan 16:23; 3 Nefi 18:19-21.

(Vi c'o ca'i' ru-c'u'x, ta-bij chire:)

Ja Rija' ri ka-colonel y roma ri'.

x'e'ru-bana' orar pa q'uechelaj, rija' xu-bij chi xu-tz'et ca'i' lok'olej achi'a' e pa'el chuvech. Roma c'a ri', k-etaman chi Rije' man xaxe ta jun, xa ca'i' lok'olej achi'a' ri can ye-tzu'un achi'el roj. K-etaman chi c'o lok'olej tak qui-ch'acul.

Juba' chirij ri xeru-tz'et, ri José Smit xu-tz'ibaj quere': "Ri Tata'ixel c'o ru-ch'acul r-ichin ti'ojil y bakil, can ni-na'ox vi achi'el ru-ch'acul ri achin; que c'a ri' chuka' ri C'ajolaxel" (D y C 130:22). Ri lok'olej tak qui-ch'acul Rije' e ch'ajch'oj chic y yalan qui-k'ij y qui-c'ojlen. Vacami tok xta-ben orar, ¿la utz xta-na' chi av-etaman chi ri A-tata' c'o chila' chicaj can c'o vi y yar-ac'axaj?

Xicay: C'ulubanic

Tijonel: (Tok nu-nimaj rija' chi c'o modo ni-jel apo mas r-iq'uin ri Jesús, ta-to' richin nu-ben jun oración. R-iq'uin juba', man r-etaman ta ri kitzij ru-baniquil ri oración. C'o modo na-cusaj re tijonic re' richin utz nr-etamaj ru-baniquil ri oración:)

TIJONIC R-ICHIN RI ORACION

Tijonel: Ri Colonel Jesucristo xojru-pixabaj chi tika-c'utuj r-onojel chire ri Tata'ixel pa ru-bi' Rija'. R-iq'uin juba', xta-c'utuj chire ri Dios:


1. Vi ri José Smit x-oc ru-profeta o mani.
2. Vi ri José Smit xu-c'ul ri k'atbel tzij pa qui-k'a' ri Pedro, ri Santiago y ri Juan.
3. Vi x-yo'ox chic jun bey ri ru-iglesia ri Cristo chuvech re ruvach'ulef.
4. Vi kitzij ri Vuj r-ichin ri Monmon. ¿La nav-ajo' na-c'utuj re re' chire ri Dios?
5. Vi kitzij ri Ru-iglesia ri Jesucristo de los Santos de los Ultimos Días.
6. Vi kitzij chi ri Tata'ixel y ri C'ajolaxel e c'o lok'olej y ch'ajch'oj tak qui-ch'acul.

Entonces, richin nika-ben orar, nabey c'o chi nika-nataj ru-bi' ri Tata'ixel quere':

1. Tata'ixel at c'o chila' chicaj.
2. C'a ri' nika-matioxij chire. ¿Achi que nav-ajo' na-matioxij chire ri Dios?
3. Entonces na-c'utuj achi que ri ni-c'atzin chave. Rat xabij chi xta-c'utuj vi ri Vuj r-ichin ri Monmon can kitzij vi, ¿peja?
4. Pa ru-q'uisibel ri oración, jantape' c'o chi nika-nataj ru-bi' ri Ajaf Jesucristo. C'o chi nika-bij r-onojel "pa ru-bi' ri Jesucristo, Amen." ¿Achi que roma na-bij rat chi ni-ban quere'?

Xicay: C'ulubanic

Tijonel: Vacami koj-xuque' ka y tika-bana' jun ti ka-oración achi'el ri ka-bin. (Ca-xuque'.) Janila ta yoj-quitot vi rat na-ben ri oración.



Xicay: Nu-ben orar

Tijonel: Matiox, K-ach'alal. K-etaman chi ri Dios can xr-ac'axaj vi ri a-oración y vi jantape' na-ben vacami apo, ri Dios xcaru-ben bendecir janila.

(*Ta-bij chic ri oxi' achique xtu-ben: (1) oración, (2) ru-tz'etie chupan ri Vuj r-ichin ri Mormon y (3) ru-tz'etie ri co'ol vuj.*)

Can yoj-quickot re momento re' oj c'o iv-iq'uin K-ach'alal. ¿Jampe c'o modo yoj-tzolin pe? ¿La mas utz ri k'ij _____ o ri k'ij _____? (*Ri mas utz ja re' vi ya-tzolin chuxak o cabij.*)

RICHIN YE'AV-IL JUBA' CHIC RI XQUE-OC AJ K'ATAJ

Tijonel: ¿Achique chique ri a-familia o amigo na-bij rat chi utz chuka' nic-ac'axaj ri ka-tijonic?

Xicay: C'ulubanic

Tijonel: ¿La c'o cami modo ye'a-ben invitar ri (k'ij che ri semana) richin chi rije' chuka' ye-quickot?

RI XTIOUI-BEN LEER RIJE':

Ri Vuj r-ichin ri Mormon:

3 Nefi, tanaj 11-18

Moróni, tanaj 10

Ri co'ol vuj:

El Testimonio de José Smith

